

贛縣志卷二

地理志

疆域

自秦漢以來變侯國為郡縣而古昔畫野分州區為萬國無復有存今百里之邑古大國也地域廣輪必周知其數乃以定道里之遠近識山川之夷險焉贛為附郭邑谿洞險阻四省通衢一方有事憑固負隅不一而足迄明猶多故也方今涵濡日久闔邑四境雞犬相聞絃歌不輟近日烽煙告急所在而然惟贛據上游屹然保障故不踰時而全省肅清地利人和可想而知矣而久安長治所以慎固封守不尤有思患豫防者乎

贛州府東西廣四百九十里今四百二十里南北袤六百六十里

東界福建汀州府長汀縣大隘嶺四百六十里今界瑞金縣黃安巖三百九十里

南界廣東韶州府翁源縣桃嶺五百二十五里

贛縣志

卷二

疆域

西界南安府南康縣五總舖三十里

北界吉安府萬安縣分水嶺一百三十五里

東南界福建汀州府長汀縣天井嶺五百四十五里今界瑞金縣銅鉢山四百七十五里

東北界建昌府廣昌縣修嶺四百二十里今界寧都州排雲隘三百三十里

西南界南安府大庾縣楊梅嶺一百五十里

西北界吉安府龍泉縣黃土嶺二百一十里

自府驛路至江西省城一千二百里至

京師五千六百七十里

贛縣廣一百一十里袤二百六十五里

東界雩都縣馬鞍山八十里

南界信豐縣苦竹坳一百三十里

西界南安府南康縣五總舖三十里
 北界吉安府萬安縣分水嶺一百三十五里
 東南界雩都縣芋洲五十里
 東北界興國縣亂石嶺一百二十里
 西南界信豐縣大湖墟一百二十里
 西北界吉安府龍泉縣黃土嶺二百一十里
 至省城及

京師路程俱準府

- 一東陸大路自縣東門過渡一百七里至峽口舖本府雩都縣交界
- 一自江口舖分路往西一百五里至響塘本府興國縣交界
- 一西陸大路自縣西門過渡一百四十五里至土扶舖吉安府萬安縣交界
- 一南陸大路自縣南門五里亭九十五里至切頭舖本府信豐縣苦竹坳交界

贛縣志

卷二

疆域

- 一自縣南門過河南橋二十里至五總舖南安府南康縣交界
- 一水路自東門東河贛關往上六十八里至峽口本府雩都縣交界
- 一自信豐江口往右九十里至烏漾灘本府信豐縣交界
- 一自興國縣江口往左七十里至石響灘本府興國縣交界
- 一自西門西河贛關往上四十里至歐潭南安府南康縣交界
- 一自西門由龜角尾一百十里至良口市吉安府萬安縣交界

阨塞(附)

下窰

文潭隘(俱在縣南界信豐)

兜坑隘(在縣西)

婆婆隘(在縣北)

廟前隘(在縣西道通龍泉山徑險阻)

龍背嶺隘(在九十八都)

袁屋嶺隘(在一二都)

論曰贛當五嶺要會層巒疊嶂密菁深林最易藏奸而龍南之東桃隘鄰翁源信豐

之平岡隘鄰始興尤爲廣寇出沒之區安治正德之間跳梁極矣雖嘗一遭大創而餘燼猶熾發於嘉靖之末年至隆慶間則根株盡剷巢壘爲空先後經略諸公所置關隘營堡扼險控要良有深意舊誌標其目而未詳亦有漏而不書者得無失徹桑樊柳之指耶善乎王臬史氏之作江西險書也曰自兵法言之擇險而出奇者名將有所不足因險而預備者庸令可使有餘自治法言之克盜於已形者巡撫有所不足散盜於未聚者簿尉可使有餘噫封疆之吏尙其繹思哉